


0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28



浙江圖書館



浙江圖書館



浙江圖書館



浙江圖書館



皇明名臣琬琰錄卷之十八

左參議五泉韓公墓誌銘

王九思

右參議定峯閻君墓誌銘

王九思

右參議俊江楊公墓碑

右參議東陽盧公墓碑

文徵明

參議左山顧公墓誌銘

徐階

參議東濱戴公墓誌銘

孫承恩

赤山周公墓誌銘

參議泉亭吳公墓誌銘

許相卿

浙江圖



世貞續編



參議華巖劉公墓誌銘

吳朝儀

左參議王公墓誌銘

張時徹

李參議墓誌銘

喬世寧

春谷潘君墓誌銘

徐階

參議王先生墓誌銘

左參議韋公墓誌銘

左參議盧君墓誌銘

文徵明

左山先生傳

徐獻忠

左參議趙公墓誌銘

王錫爵

浙江圖書館

朝列大夫山西等處承宣布政使司左叅議五泉韓

公墓

誌銘

邦靖

正德三年進士

漢陂王九思

撰

今年春五泉子抵予書曰秋當過訪鄆杜蓋正德戊寅夏五泉子嘗訪予別六年矣得書喜甚朝暮幸其至孰意其死也五泉子且死謂其兄死洛子曰必敬夫銘我墓嗚呼吾尚忍銘吾五泉子耶五泉子者諱讞字汝慶同州朝邑縣人也姓韓氏蓋自稱曰五泉子父曰蓮峯先生諱詔宗仕為按察副使母恭人閻氏蓋弘戊申閏正月初一日子時生五泉子是夜恭人夢五色雲中奏成詔之音已而玉女十餘持蓋擁一童子入室覺而生五泉子生而靈異三歲而能誦古詩

百四歲而通孝經小學五歲而讀論語文王至德篇掩卷
若有思者蓮峯先生問之對曰即如是武王非矣八歲而
通舉子業十四而舉于鄉二十一而舉正德戊辰進士予
與武功康德溼愛其才推為庶吉士不果明年己巳拜工
部虞衡司主事乃奉部檄十庫監收庫宦官不為禮五泉
子自坐前席宦官怒始曰部尚書至因起徹坐五泉子詰
之荅曰公無預庫事者正一飯耳五泉子曰然則我當去
矣荅曰當署案五泉子曰豈有署案不預庫事者乎竟前
席坐署案尋又監收黑窑廠主廠者宦官厚燕接殷勤之
歡五泉子不顧自起視秤分毫無所假宦官雖怒甚然無

可柰何未幾抽分浙江市舶去矣先是抽分部使者往往
避嫌乃取于商為羨餘以自白王泉子乃下令曰非巨木
若竹木成器者不稅稅課舊頒府幕官乃叅議寄布政司
不與府幕官以部使者侵漁而府幕易與耳又奏議以為
抽分司刑獄宜下按察司以防出入詔皆奏可故事抽分
司餽鎮守太監歲千金是時鎮守劉太監者又谷大用之
黨王泉子固不與金劉太監怒又知其為人不恕愈益敬
之會宦者從京師來倚其近侍索抽分錢甚急劉太監從
勞勸曰幸無求韓主事我當有以贈公也及代入奏乃課
額不足部尚書及工料給事中皆以法勸王泉子亦自劾

永罷會國老有知其固者賴以無事壬申春南北畿內河
南山東諸郡盜起天子命將征勦工部官例一人前除當
前除者數人皆懼不敢往言之部尚書有泣下者次不及
五泉子部尚書知五泉素勇可使數目五泉子五泉子毅
然請行後亦有天幸不害比歸遷員外郎都水司出奉部
檄清查直隸山陝諸路歷年班匠銀兩既見其民貧乃奏
議罷徵是時急于用財不許後以乾清宮災竟罷之而天
子于是方以災異下詔求直言者五泉子歸上疏曰夫民
者樂安而思治患危而厭亂向替之際甚可畏也陛下即
位以來朝政不脩經筵圖御盤遊無節狎近郡愴摧折骨

鯁之臣閉塞諫諍之路百度乖違庶事叢脞府庫空竭閭閻流散盜賊災異荐至迭興危亂之刑已成社稷之憂將大頃者乾清宮災陛下下詔求言天下之人莫不祈以為陛下翻然悔悟轉危為安也然徒事虛文不脩實政臣工章奏固有施行而部官黃體行乃又衍以言罷去天下之心莫不沮喪以為陛下遭此大異乃復如此是悔悟無期而治安不可望支離不可收也夫親離者家散民離者國搖故漢儒有土崩之言先哲有搏沙之喻伏望陛下以社稷為念將各官章奏采擇施行前復言官待罪之人並黃體行取錄用于以收既散之人心迺將來之福澤天下國

家不勝幸甚。疏上天子，震怒。下錦衣衛獄。給事中李君鐸率衆論救之，乃得奪官為民。其後御史師君存智、范君輅給事中徐君之、馮皆奏起用，皆不果。辛巳秋，今上既位，起為山西左叅議，分守大同。于是感激奮勵，單車就道，犂犂平獄，權豪斂跡。然分守故無印，由此多弊。乃奏議請照提學官事例，給關防，不報。是時天子脩定策功，封爵太濫，而高山陽和諸衛軍士奉例開墾草場數十餘頃，皆為豪家占種。乃前後上疏論列，又皆不報。未幾大同歲饑，人相食。又奏議請發內帑賑濟，不許為之。憮然泣下，輟食。將再論之，或曰：君之心盡矣，不從者責有所歸，奈何！自吾知此，答

曰言而不從自謂已責已盡而委咎于人此詐臣之自便
而釣名者之為也復抗論列累千餘言不報侍郎藏公乃
鳳經略邊務嘗奏書薦之而曰臣見左叅議邦靖穎秀夙
成操心平正問學博洽議論淵源使之提學必能以身率
士裨浦沿道巡撫都御史楊公志學給事中俞君集亦奏
薦之皆不果王象子慮其舊疾復作乃上疏乞歸于是都
御史張公文錦奏番之而謂宜陞本道兵備副使以慰軍
民之望然歸志已決乃復上疏報未下即行御史朱君寔
昌奏書薦之而曰邦奇邦靖季問自相師友各節交相砥
礪乞將邦靖病痊起用邦者苑洛子也吏部具奏上報曰

如御史議西歸之日軍民遮留道上以萬計號泣不忍舍
去五泉子亦為泣下而嘉靖癸未二月初十日抵家于是
謁孔子廟揖縣令拜先隴牲見於祠堂稱觴壽母與諸兄
弟燕會終日甚樂也乃十八日書病損食不豫苑洛子為
迎醫甚衆乃愈益病四月初十日衣冠如平生呼苑洛子
曰我其逝矣十九日必大雷雨即為我戒衣食又曰先君
之歸在是月二十一日我強待之好作忌辰也十九日果
大雷雨苑落子為正冠然已不能語而搖首苑洛子泣曰
待二十一日乎乃首之及二十日而苑洛子復問曰歸在
明日乎不應苑洛子痛哭曰吾第力不支矣又首之已而

果卒距其生蓋三十六歲云配安人屈氏生一女無子
以族子仲譜後卜以六月二十二日塋南陽洪先塋自
五泉子卒後太恭人哭之不已死洛子廢寢食哭蓋其
平日孝父母者甚至終身不違顏色蓮峯先生病寢處
其側者四月餘及卒哀毀幾死其事伯兄縣令君邦彥及死洛
子及處其弟國子君邦翊極兄弟骨肉之愛有朋友忠告之
益又嘗為其姨孝孺人吮疽鄉人蓋嘗立碑表其孝友云而其
愛民之仁律已之廉食用之儉細行之必矜臨事應接之敏其
事皆書者不具書其在浙得代歸而同年趙推官者以屈安
人病無子賣女婢遺之拒不受趙曰此越女有色者笑曰政

恐若此耳此人所難能者書之為世楷法至于朝氏世行所由
未遠其載連峯先生墓誌語中亦不書銘曰予在京師見五
泉子七言絕句詩類杜子美及罷歸為予誦其古歌詞浸
淫唐初逼漢魏矣觀朝邑志其亦文帝之洪麗乎考其
行蓋曠世之英全德之士也乃不壽死嗚呼天邪為五泉
子邪

明故朝議大夫河南布政司右叅議定峰閣君

墓誌銘

官

王九思

弘治丙辰君之父竹泉先生爲御史京師予爲庶吉士
往拜其門蓋先生嘗爲庶吉士有名予故請問焉而是
時見君甫十六七清瑩如玉可愛方從句容曹來鳳授
胡傳春秋再踰年戊午報君捷鄉試矣予聞謂竹泉先
生有子往賀焉而曰當不止此蓋君又游重慶劉衡仲
之門而其仲父蓬州守允中嚴督弗懈故知不若是止
也正德戊辰果舉進士而比方舉春秋者莫或先焉是
時竹泉先生以四川右叅議家居予在翰林賀君謂先

生乃今真有子矣明年己巳秋君被選爲吏科給事中
予是時左遷文選主事實見其文蓋嘗歎息以爲異
者云辛未以竹泉先生之喪而歸而是時予復左遷壽
州及癸酉還任吏科乙亥遷河南按察僉事兵備信陽
而予已家居皆未能吊賀焉然中懷耿耿未嘗不在君也庚
辰春君疏乞致仕詔進河南布政司右叅議以歸隴去
鄠杜數百里謀會不果嘉靖癸未春以予與其仲父允
中契也書未請予銘允中之墓彙復以所述樂府諸作
寄予予亦聞其爲樂日自甚歡乃己丑秋報君病不起
矣蓋八月廿四日也予甚惜之距生成化庚子十月十

七日壽五十歲卜卒之明年庚寅冬十一月十日葬州
西岍山之原以元配師孺人附其弟郡庠生銓其書幣
蓬州公子郡庠生釗述狀其姪郡庠生司衡未請予銘
君諱欽子明其字居嘗自謂定峰故人皆稱之云君在
吏科前後凡七年其始不肯阿附孽寺以此不及于禍
嘗抗疏勸毅皇帝視朝 朝數日諸凡封駁不避權
貴人而同列彈劾諸疏多出其手其終有漏言者當道
怒之乃稍遷河南云而兵備信陽者五年功最多蓋嘗
推演武侯八陣圖為九曲新書列布以訓戰士募義勇
黜老弱修城塹謹烽堠遠近恃以為安南陽汝寧護衛

官軍橫甚擾民殆不可制君請八操王不可竟八操而
其患遂息汝寧民兄弟爭田各誣其子不法而其子皆
學舉者法當黜君以數語決之而兄弟感悟不爭而退
而其子皆完無事羅山豪張輔者殺其妾之母死妾母
族訟諸縣吏輔又誣以他事陷獄死乃以病告君知狀
執輔抵死信陽貧富兩民爭田里中二惡少素怨當民
乃誘貧者殺之而自殺貧者以滅口誑其守曰自相殺
耳君按之曰一人先死後死者殺之誰也具得惡少斬
之以劉學恆者汝寧大盜也陰養死士肆行劫掠無敢
言者通賄郡吏伺動止屢捕不獲君乃假以公事過其

地執而論之死其黨解散數百人于遠通駭歎稱君為神明
相戒不敢犯君君又嘗擒南召之盜有功詔賜白金十兩
又嘗奮擊高南山陽諸盜蓋斬首二十餘級擒潛號其渠魁
八人餘黨百人詔賜白金絲帛擢用不次歲嘗大旱君禱雨
即大雨決境遂以百年大夫士詩歌之信陽士固多竒然舉者
亦甚少君子城外西北隅建仕學書院擇其竒者居之親為課
業乃兩科而舉者十有三人焉蓋駸駸乎盛于是申州之墟盜
息民安風教大行撫按前後凡六論薦超拜可跂足待也乃蒙
萋菲之謗以歸用不究其才識者以是為歎君瀟灑偉人也
略幾微刑于言面養母以志教諸弟姪因材而施乃今各

有成焉暇則誦詩讀書旁及群籍嘯歌泉石其樂陶陶書為
述作彙成卷帙蓋雖未董董其所獲亦非細矣君家世隴
州人也曾祖諱璿舉鄉榜五任縣學教諭贈右副都御史
祖諱仲實河南右叅政進階大中大夫行泉先生諱介
磊落不羈脩然物表不慕聲利者也母王氏封恭人生四
男子君其次子也兄鈍早卒君奉嫂氏視諸孤恩禮備至
君配師氏繼蹇氏皆贈封為孺人焉蹇孺人生男子司紹
司御而司繼司禮司射司書則側室出也共六男子師孺人
生一女子適通渭舉人王德光蹇孺人生者三長適郡學生
李瀾次適平涼護衛指揮毛麟其次與側室所出三人者

俱幼未聘方君之在身王恭人夢日射其懷五老造其室已
而誕君故資稟特異焉人以為吳嶽降神爾也顯其光煥
其隕滅殆亦返其初乎是未可知也銘曰吳嶽矗矗鍾靈
爾族爾族克承以遐爾福五世多賢以引以續藩伯宮保維
慶斯篤文行彬彬竹泉蓬州維君似之益弘厥猷厥猷奕
先民是匹夕卽憲臬乃言底績誰其構我說人罔極既歸
且樂既飲而息乃父乃祖同歸寔寔高岸為谷打兹銘石



浙江圖書館

明政朝列大夫湖廣布政司右叅議後江楊公墓碑

銘書

余嘗讀載記見夫忠而獲譴信而見疑沅離擯行甚或
劔以死蓋深心傷之夫祿爵者士人之始願也生者恒情
之大歎也舍所願歎而微其所不欲不以華喪毀操不以嚴
誅改舌豈其性獨爾殊哉亦誠有所好也方後江楊公之
為給事也適大禮議起廷臣不當

上旨元輔去禮卿去諸

曹言者去繼而諫臣杖百司杖文學侍從又杖杖且戍且死
而二三險人方奮袂獵纓橫肆醜詆以譖上心此其時
猶烈焰之不可撩沸鼎之不可探也而給事則披肝吐赤

侃侃無所避忌不惜喪其元又何有於祿節哉推此志也即有
詔竄之行君子猶將諒之而况諛口不根卒從放免以死悲夫
按狀公諱言字惟仁系出河南太一府君驃騎將軍後有從宋
帝而南者家於慈谿是為大方橋橋楊氏至諱子春者永樂
間贅郵畧湖之祝氏遂籍于鄞子春生時祚生灑灑生明彞
是曰拙庵公封奉政大四川僉事則公父也公生而爽慧稍
長客試之對即應聲就對輒多奇讀書目數行下弱冠遊學
官遂籍有儒譽開門授弟子經蓋屢滿其中矣正德丙子領
鄉薦庚辰舉于禮闈辛巳賜進士授行人使于代王故好學
以公名儒賓禮蓋甚隆也公乃為諸生說易諸生即翕然師

師事之其後以易舉者若張君鶴改君璠馬君璽任
君中傑凡數輩而司馬蔣君應奎其選也復命未幾
而代亂王出奔朝議求所以安代者莫如公宜公往
而代安王乃歸國嘉靖乙酉遷禮科給事中時方以
大禮故臣僚更相水火而張公璵桂公萼陰脅公使
附己不與乃屢疏抗議大要謂 陛下考 獻帝而
祀之觀德殿明親親也不復躋於徐太廟以干正統
明尊尊也斯協諸義而協者也 獻帝雖有聖德非

若周文武之與王創業也而歆襲世室之名舛矣我
太祖 太宗既正祀世室而復參以 獻帝可乎

至以獻帝為所自出之帝是前無祖宗也以獻帝
為禰而宗之是近無敬毅也諸所云云皆為不經立陛下
前既罪醫士劉惠之言而今乃納署丞何淵之言
前既俞禮卿席書之議而今乃咈書之後議臣不知
其何說也臣非不知陛下順旨則喜逆旨則怒不
逢喜而逢怒豈臣之情哉義有不可即殞首闕下必不
敢奉詔臣謹昧死以請已有奏書曰先帝晏駕時
江彬挾邊軍四萬圖為不軌內外洶洶矣元輔楊廷
和不愛其死以密謀誅之頃刻尋定策立之計此社
稷之勲非止開國佐命者也即使有罪猶當十世宥之今以

奸人之言既褫其爵矣又逮其子若壻矣乃又聽百戶王
邦奇之誣而盡逮其鄉里此何為者臣謂若編修葉桂章
輦自憤非辜非刎即縊耳夫以未彰之罪而殺既去之臣
豈國家養士之意乎至言費宏石瑄之陰私曾無左證尤
大無謂也惟階下財祭之若以無籍曖昧之詞成師保
大臣之能獄不為聖世一大累哉書奏上大怒刑鞫于
午門至折指慘矣而終不易詞謫判宿州已乃稍遷溧陽
令蘇州府同知南京刑部郎中改南京文選司蓋稍稍起
矣而忌者傾之又謫夷陵知州稍遷荊州府同知四川僉
事湖叅議亦又稍稍起矣而忌者復傾之遂鐫籍以歸此

所謂忠而獲譴信而見疑者非耶公之謫也所至剔奸興
利澤化孚洽溧則祠夷陵則祠諸久近不同要之頌德無
已也當其入蜀也舍于驛中夢祿衣即進曰忠良胡為乎
未哉詰旦咨之則葉桂章以被逮至而自縊語其狀甚肖
昔公所論救語獨縷縷者蓋其感哉其婦也則溧陽馬氏
有厚怨而風南臺飛章繫之其所論則分守武昌事而公
則未嘗一蒞武昌也天官考功即傳君願知公者也爭之
不得而謂公曰盍自白乎則咲而謝焉公性篤孝友仕不
忘親有甘旨不遠數千里致之餘祿雖微盡以歸父翁置
生產與伯李共沒齒無間言視女兄弟之嫁者猶在室視

兄弟之子猶子有無相通戚休同之諸子有資行者延師
以教成而業於膠庠則資之不匱家居角巾布袍崇尚約
素曰吾以為子孫倡耳諸以豪俊相矜高者必痛誡之曰
吾死不顧汝曹有此行也公生弘治改元戊申十一月十
有三日卒于嘉靖壬戌二月二十四日享年七十有五以
嘉靖甲子正月四日塋于南郊看經寺之陽初娶劉氏無
出贈直人繼娶王氏封宜人子男二長持載娶州判毛某
之女次持獻娶少傅屠莊襄公子序班健之女皆國子生
女三長適中丞戴公鰲之子士文次適太子太保張公邦
奇之子釋次適少司空全公九立之子少成亦皆國子生

孫女三一許聘謝一許聘包一尚幼公卒四年墓且宿草
矣持載數以隧道之文為請余疑其歆諛也而宿諾者久
之已乃斷於心曰文以徵信耳奚諛而可遂據其可信者
而著之篇銘曰 虎豹九閔疇弗惴乎而獨大聲以呼羊
腸九折疇弗慄乎而獨叱馭而驅彼含沙伺影者豈其無
所而獨公乎是虞嗟乎嗟乎弦直者曲乎玉潔者汙乎子
哉後江柰何乎斯人之徒與

湖廣右叅議致仕進階中順大夫東陽盧公墓

碑

文徵明

公諱煦字子春姓盧氏其先出自齊文公子高高孫
侯食采於盧因以為氏自秦博士教以來世居范陽
之涿郡漢北中郎將植為時大儒實生司空毓毓生
侍中班班生尉衛卿志志生中書監謨皆顯名魏晉
之世至唐為宰相者八人而承慶懷慎尤有名他如
藏用照隣綸全皆以文學著稱子孫雖散處四方皆
以范陽為宗東陽之有盧氏則是宋院判公寔始寔
四傳曰負父徙邑之雅溪是為雅溪始遷之雅溪七

傳為采郡馬公大振則公九世祖也高祖康定以仲
子貴贈都察院右僉都御史曾祖宰祖洙皆不仕父
諱和以能醫稱有所著丹溪纂要行世以公貴贈刑
部署員外郎主事母俞氏贈安人公生天順壬午十
月二十有八日以縣學生領化戌癸卯鄉薦凡九試
禮部登正德戊辰進士越三年辛未授大名府長垣
縣知縣甲戌召為刑部雲南司主事連丁內外艱戊
寅服除改授本部四川司主事辛巳進河南司署員
外郎嘉靖壬午超拜四川按察司僉事奉 敕整飭
叙瀘兵備甲申陞湖廣布政司右叅議奉 勅提督

太和山丁亥致仕明年戊子覃恩進中順大夫起
八年丙申正月廿又四日以疾卒於家年七十有五
公生穎異而悃悞諄謹學務博綜然不事勦說質義
揚推必求道之所在以達於用既仕有官守遂用推
之於民長垣即仲由所治蒲邑故有學堂罔相傳先
聖講學之地故祠敞陋撤而新之興學教民導以化
本而納之仁軌會盜發隣壤流劫境上攻圍城邑所
在阡危而垣備不素公練兵飭甲乘城固守矢心厲
衆督率撐距寇再戰而却之權鋒折北無所失至再
亡最後大獲輜重盡散以享士復斥其羨以代民租

民因不擾士亦用命迄用保邑完境而獲嘉之績為
一時最在刑部尤號明審前後關決不下百數析律
詳明持議平允傳妄論報未始翫法而矜坦仁隱存
於中諳練之稱達於上下遂有蜀臬之命蜀去朝
廷遠俗獷而健豪民假貸例責倍息而叙瀘所轄夷
獠雜居負險易動公誠心拊循民用安集而軌道要
束俾咸協于理苦部土官无弟讐殺官兵不能討議
將撫之公持可不謂事有曲直而搆難方深撫處可
救目前而姑息遠貽後患計當發兵助順而相機進
止一則假夷而近效可收一則助夷攻夷而禍本斯

拔矣時前政墮施民兵逋蕩公料檢鈞據悉為緒正
軍民方恃以集事而湖南之命下矣湖雖專領祠事
而兼撫鄖襄事緒禁出所守鈞陽適雷顯陵孔道
車徒結輒剋蓋相望供頓次舍咸取給於鈞鈞民疲
不堪命嘗借助於鄖公為科道錢更使資力相當民
方稱便而當道不悅公者顧據拾以為公過然卒亦
莫能為公累也公性若淑而遇事詳緩不為激叩暴
白之計然砥節復方亦不肯廉薄隨人班資崇庠任
運而已流賊之擾公勞績居多同時有起邑為廷率
者而公浮沉常調曾不為意其後繼歷南省稱甚毅

籍一時薦進者雖多卒無有援之者而公亦已倦遊
遂自引去平生尤事持廉初以進士督造蜀靖王
墳贖謝千金悉拒却之守官所至俸請之外豪毫髮
不染太和之後尤利源所在公雖操 敕將事惟受
計而已出納訾省一屬之中官雖供頓餐錢亦歸公
帑有贏以新學宮治亭徼或代輸逋租利濟涉而已
終無所取也家居以敦睦為事首輯譜牒置義田修
復先墓而秩祀惟謹為於昆弟以協於族屬又推之
以達於里黨姻戚有無通假患難相恤或有所侵悉
置弗問而橫逆之未亦弗之較晚益廉靜蕭然事外

竟以高年令終嗚呼若公者其古之所謂巨人長者
非歟公娶應氏有賢行先公三十二年卒贈安人子
男二人堯俞以縣學生升貢太學堯亮太學生亦庶
子堯工女二人皆適名族孫男四人仲文仲武仲瑛
仲玘孫女五人嘉靖戊戌月日葬邑之興賢鄉馬
鞍山祖塋以應安人祔於是堯俞奉翰林院編修程
文德所為事狀請文勒石墓道辭不獲則為論次其
大畧系之詩曰 燁燁廬宗肇自齊姜植奮有揚廼
儒用張軼晉而唐弗替有衍既收有文亦相丕顯維
予斯年耳孫其翼孰其徵之藩叅維克烈烈藩叅植

德維誠廼言有嘉亦修用貞維時多艱盜賊伊阻彼
披斯昌公志孔武有收維征弗遑暇食廼戡廼戰廼
全之邑豈邑則全亦撫而教爰植之仁庸協于道烈
烈藩叅有德有言有才弗諼式於王官入司邦刑出
奠藩服澄斯秩斯以莫不肅肅之維何維廉斯貞維
公斯明乃言用成孰不有成當躋而顛知進而退公
私用全烈烈藩叅高年維碩邦國之楨鄉人之式豈
無公卿公德則有我作銘詩尚徵厥後

明故廣西叅議左山顧公墓誌銘

中立

徐階

嘉靖壬戌九月三十日廣西叅議左山顧公以疾卒
于家階悼故舊之凋落也才賢之不可以復作也自
京師為文祭公於是公之弟大叅豫齋公書來曰中
孛不幸喪吾兄幸辱哀於吾子宜有以圖其而吾兄
不朽者乃自為狀授公仲子正倫以示予曰顧氏出
吳丞相雍逮梁黃門侍郎野王始占籍華亭入國
朝有諱景陽以能詩稱者吾五世祖也永樂初有諱
彥迪以儒士佐英國公幕者吾高祖也弘治正德間

有諱斌仕為興寧知縣以文行稱靜虛先生卒贈刑部主事者吾父也吾兄生而吾父竒愛之遺受業於尚書文僖顧公僖之曰故多士然獨以國士稱吾文兄卽諸先輩讀其文莫不愧且屈也年二十二領正德丙子鄉薦後十年登嘉靖丙戌進士為南京刑部主事丁吾父憂服除改刑部故事有本科以者詳諸司之章奏非文學政事兼者莫克與其選尚書謀於衆咸曰惟吾兄宜於是吾兄專其事者三年會吾母太宜人病醫謂弗宜其水土吾兄迎養以為親也曰柰何反以病吾親立上疏乞改南復為南剖部逾年

遷儀制郎中又逾年遷山東按察使僉事嘗行縣發
其粟賑饑吏曰粟必白撫按俟報乃得發吾兄叱之
曰民且死何報之俟青徐間賴以活者數千人縣又
嘗苦蝗檄令尉曰又蝗始生易撲滅也蝗卒不能為
災有 詔發銀礦以佐國庫盜競窺焉撫按曰非顧
僉事莫能辦此人或為吾兄危吾兄曰誠率之以無
私而行之以法孰敢干吾紀者已而果帖然屬吏有
以賄聞而見徵者請於撫按即以其事白之銓曹銓
曹械歸其人於是群情甚快而黨惡者大不悅秩滿
遷廣西歸瑾吾母一見恹然曰報母之日短矣疏乞

終養明年吾母捐館舍而辛丑竟為怨者所中致其
仕吾兄為人剛明而直諒其中有所懷未嘗不發於
言乃其所言者中固未必有也其所問學在於用世
故其政隨所至有聲而其刑之制作燦然可觀者特
其緒餘也其處宗姻事必從厚而於孝友尤篤至於
老不衰也其襟度夷曠不以世故戚戚於中題其居
曰洪厓堂名其詩若文曰洪厓集蓋庾幾古所謂達
者也然而仕不竟其志壽不能及七旬其命也夫吾
兄諱中立字伯從左山其號生弘治乙卯十月三十
日享年六十八配朱氏贈宜人無出繼娶吳氏封宜

人子男四長正誼次卽正論次正心正時俱生員女
三長適右都御史上海潘公之子今南京工部主事
允端次適廵撫河南都御史嘉普陸公之子生員中
錫次適吏科都給事中同邑楊公之子生員允儒孫
男二嗣科嗣賢孫女二長受李氏聘次尚幼葬以癸
癸亥十月八日墓在

始吾父官興寧中孺

且多病其撫且教之以至成立醫吾兄之功吾父罹
寇變中孺時知萬載不卽聞吾兄在南都棄其官奔
以還而吾母之卒吾兄時在侍故吾二親之舍殮中
孺得無憾焉者翳吾兄是賴至於中孺之家居朝夕

所仰以寡過者亦惟吾兄是師而今已矣此吾之所
以重悲也予讀竟顧謂正倫曰予自未冠獲交於尊
公凡茲所稱皆予所知即予不能有所張大揚詡其
又忍使弗傳遂誌而銘之曰書
才無徵耶燁其休聲才必徵耶不竟於聞在我者才
用我者人其徵與否又奚足云狀公者弟銘公者史
信于百世徵其在此

陝西叅議東濱戴公墓誌銘

孫承恩

戴氏之先汴人從宋南渡居臨安國朝初再徙松之上
海故其著姓最遠元時有諱善卿者為海運萬戶善卿生
德三仕元至提舉德三生產文產文生聲伯聲伯生暄暄
生春以進士為考功正郎陞順慶府知府有聲天順成化
間春生偉則公考也公諱恩字子充東濱其別號少穎悟
儀狀端雅與弟慈在黌校俱有俊稱舉正德辛未進士授
北京工部都水司主事監浙江抽分事還收支營建 乾
清宮物料未幾轉負外郎督運營建大木成寅進秩郎中
階奉議大夫奉 勅專理儀真至臨清河道庚辰擢陝西

叅議未上官以疾懇乞致政歸公為人外若散懶而內實
機警明悟其監抽分也值歲果不登人謂盍為之處公曰
吾寧以是獲戾不能効培尅吏也御史王堯封特為 奏
免之其職營建也出納物料總理慎勤有白金文綺之

賜感激賦詩淬勵先是運木以民夫所在勞擾不能堪公
跡請用近京軍番人頌其德其職理河道也興舉廢墜刻
滌蠹弊重開寶應裏河增脩谷亭上下埧閘驛溥多空匱
復苦權勢橫索無託轉益不支每公使至顧輒稽留不得
發公悉為之處漸見規制 毅皇帝之南巡也郡縣吏往
徃棄印逃謹公獨與總理河道御史龔公弘經畫共億送

迎百務斬斬坐毀勞攝疾因有歸志比得請時方五十有三乞身於未衰可謂達於功名之際矣夫仕者多徂於不知止卒以困敗此君子之所慎而常情之所忽也公於出處如此豈非賢哉公在少時即負志不郡思繼述先德既以科第踵美尊榮其親贈厥考官郎中母江氏贈宜人及謝政歸益振振先業綰緝遺文所以光前裕後者弘且遠矣天性直率履真仕情既畧儀節晚得重聽疾益不能款曲人頗以簡伉病公然實無他也公生成化庚寅十一月二十二日卒嘉靖戊子十月十四日壽五十有元配侯氏先愈憲方之女賢而能文側室錢氏盧氏子四長邦榮配

聘工部員外郎郁山女次邦傑聘予女為弟愨後次邦梁
聘府庠生杜世顯女俱錢出次邦棊聘承事郎宋公才女
盧出女二長遠先憲副楊玉峯子府庠生秉道次適工部
主事張南汀子平湖縣庠生遜俱侯宜人出公卒之明年
是為嘉靖己丑邦榮等將以十一月廿八日塋公于河涇
之西具鄉進士戴君正卿狀謁予告曰先人早棄諸孤福
不酬德善不彰衆所以悼嘆楊確之者惟夫子是賜予昔
與公同舉禮部又有葭莩之雅憮然諾之未幾予病臞然
不能執筆知榮復來速曰葬且及笑乃即狀中語少為刪
潤而於揚確悼嘆之意稀矣姑存其大節焉耳銘曰

有昭其內靡飾乎外弗介乎細克立其大振厥前猷孝思
維嘉服勤官箴亦莫我疵瑕進也維裕退也孔亟薄於取
名以保始卒吾履吾真吾無比周人莫吾知而謂我仇詵
詵者嗣頴發茗秀餘沐所鍾尚書其後

浙江圖



浙 江 圖 書 館

赤山周公墓誌銘

嘉靖癸未吾南畿之士薦春官者五十餘人而時赤山周君獨以文學為輦流所推服其後予幸及第官翰林以文詞為職業而君為兵部武選主事才高而地重日乃多暇時予於是數過君君出古詩文為予說其義及示予所為投贈應酬之作其大指以為為詩文必宗先秦漢魏自唐以下不道也戊子君以御史提學北畿上疏請正誡錄左遷南京府軍右衛經歷徙判溫州而予繼以論孔子祀典出為延平推官相望各數千里時取君昔所說者徃來誦之而竊自傷其淪落恐不復合以死甲午春予起黃州為

浙江僉事君亦自溫遷刑部員外郎兵部職方郎中後一
歲為浙江布政司右叅議於是時予與君別八年而合感
與喜交乎中而予所居署又視諸司稍弘敞前有流渠植
荷其間君無日不過予相與縱談而別也踰年予去為江
西副使又二年君致其事以歸予再發書問訊不報會予
遭太恭人憂莫終喪買舟過君得復縱談於其所謂赤山
草堂者壬寅正月二十八日忽報君卒君在浙時嘗為文
贈予今其墨尚新而君不可作矣嗚呼傷哉君諱易字時
伯太平蕪湖人高祖凱永樂間為工部營繕主事凱生廉
廉生文佐文佐生紀紀以君貴封文林郎河南道監察御

史其曰赤山者君其自號也君生美髯貌兩目炯炯臨政
論事勇不顧其身為武選汰武職之冒濫者二千一百餘
人謗語囂暴賴宰相有知君者力持之以免改御史疏救
吳御史彥及論邊務若干條語皆峻以直然君頗自負其
才視世之瑣瑣者恒不以屑意故事藩臬之吏事御史甚
恭君獨於其坐掀髯咲談或時有小忤御史去來臥不出
迎送即按行所部亦引疾不與俱以故多沮毀君者君生
於成化二十年十一月三日距卒享年五十九元配丁氏
贈孺人有子曰子原先卒遺孫曰詔繼配秦氏封孺人有
子曰子勵今為郡庠生能世其業女嫁為官生李承寵妻

孫男曰謨訓孫女曰應坤側室華氏子曰子厚徐氏子曰
子辰女許某子勵卜以甲辰年十一月十九日塋君於姑
孰蒲塘南山之陽先事自為狀而以其姻楊侍御石岡與
外舅楊都閩石巖書請予銘墓予固雅厚君者不得辭遂
銘于其石曰 操觚藻發抒辭韶鳴孰畀君文以振厥聲
高視宇隘雄談坐傾孰使君不能下人以不公卿嗚呼富
貴斯滅名永長存君得則多吾又曷論

之日雖蘇童牧豎咸呼於道曰張公有子矣識者以占天道人情云女二長適郡人楊希億次適六合袁明孫男一應葵出距生成化丙申十有一月四日享年七十有三蓋榮且哀矣於戲悲哉銘曰

有節者山滁水環之有美者公滁人頌之頌之伊何魯弗培剋委順歿終好是懿德維天有監維地有知既畱其身必豐其支壽々玄窀雙玉並奔繫千萬年爰得其所

浙江圖書館



浙江圖書館

廣西等處承宣布政使司左叅議泉亭吳公墓誌銘

海寧許相卿撰

嘉靖二十四年二月乙卯朝列大夫廣西布政司左叅議
泉亭先生吳君卒赴余余扶而哭諸門君之子鄉舉士遵
晦郡博士諸生遵道書君顧言來曰知我者許子其託之
識我藏噫嗟已乎吳君逮死予信忍以疾爲解志曰吳君
諱鼎字維新錢塘城北隅人也父宗裕封承德郎刑部主
事母陸氏繼母戚氏妻顧氏贈封竝安人咸以君故君少
慧嗜學父母念獨子重苦之交禁弗爲止選錢唐文學弟
子員郎秀駿蹕氣蓋一時衿佩少年諸司勸學較藝輒皆

最君冠其曹君正德中進士釋褐試吏尹臨淮臨淮帝鄉
壯縣民多優渥習游惰公私玩愒謬偷政廢不舉糾紛倍
十左小邑宿吏側耳少君君穎識敏裁便宜張弛更以辨
治稱監司使者僉上君治行異等堪風紀選不報毅皇帝
南征侍衛中外諸臣騎乘數十百萬所過縣次饋食有柄
事中貴人道臨淮非分徵索供具無厭橫甚君從民吏注
致常饋不贏中貴人夫缺望憤詬呼挺君銳身先民吏當
之民吏爭前衛君擊傷中貴人中貴人奏逮君繫詔獄一
歲所者廷議白君還治用舉者徵為南京刑部主事轉南
京兵部主事以承德公喪罷歸除喪謁告不仕者十有五

年用舉者補南京兵部員外郎轉南京禮部郎中選廣西
布政司左叅議乞侍養亡何病卒年五十三君之病甚二
童奴擁之坐氣漸微而神不亂忽左右視曰爾孰誰耶吾
其於死吾見之手二子扶牀之若將寐者而絕君起寒約
性鯁諒力學自立危行不疑耻媵媧苟同立行一意而已
俗或病其不諧以哆憎口然君約奉繼母當其心裝嫁四
女弟甚周與人謀必為之盡當官事閔利病直往取任不
顧計前却故所舉職大節斷斷士亦以此多之一時顯望
魁人往往折輦行慕與之交然仕不克志壽不盡年懷挾
其所未究溘然長終知君者莫不傷懷垂涕云君生好文

甚其為臨淮衙罷倦劇猶手一編吾伊空堂中治當南北
達途過客時有中原文獻家博聞邃古諸名士大夫君輒
委已交驩相與下上其論既謝病屏居愈益專力萃精志
六籍而下九流諸子策士春秋先秦盛漢之撰右金石竹
簡之傳旁逮外家雜說謫誕恠迂之語凡竒古文字罔不
雋飲醇酣江左北朝以還唐宋近諸名家亦皆決藩入奧
神詣作者故其文深涵大放贍蔚闕肆能盡達其意所欲
言淵乎蒼然有西京氣骨君率歲一訪予紫雲山中坐語
移日擊腕論文纒纒弗能休予白雅哉辯然非藝乎末耳
吾衰弗事此也父矣君素多病柰何敬精以狗末孰與飲

英沃根毓神以貴而生乎君憮然離席曰愛我哉陳義甚
高僕將從子於忘言矣然君文聲籍甚紹介屬筆者彌衆
不容自解免也每一篇出學者爭傳諷之群中諸老先生
辯博能言者皆自以為弗及也時有紀述莫適自任必推
泉亭先生云二子好學世其家女一孫男從祖女一墓在
積慶山南麓葬之日是歲十二月戊申銘曰有崇斯封有
坎斯宮有斐君子歸藏于中有氣隆隆湖天亘虹後有王
朔氏曰咄咄佳哉其下殆古之人以文雄者乎

浙江圖書館

山東布政司叅議華巖劉公墓誌

工部郎中吳朝儀撰

公諱窩字振道別號華巖生而穎異在提抱中人已知其不凡
長就外傳明詩經精舉子業弘治壬戌遊邑庠正德丁卯與
兄孟齋公竄同領鄉薦越甲戌登進士第明年授徽州祁門
知縣部民程氏有辟獄已成公訪知其冤翻成案力請兩院
脫之養馬之家有強梁奪其驢者成顛疾公得其情追而還
之顛遂愈儒學久乏科第或謂學前民房參差宮舍傾圮使
然公則以學校為首善之地士類所聚遂捐俸改葺民苦坐
派解外軍需公蒞任切如痼瘵在身即為白當道征為稍緩

流寇接境委官領義兵遏之賊間道趨近壤公奮臂率民兵
扼要害擒渠魁數十餘黨悉遁散士民為立碑婺源令缺當
道更公署其事發民權迎祁民遮泣己卯陞南京刑部陝西司
主事庚辰轉南京兵部車駕司員外嘉靖改元轉南京刑部河
南司郎中獄多平反欽天監天文生貧富家有負奪其業者
禮部大堂允之郎公賀公縉執法牒公公亦如法斷忤大堂意
致禮刑二部上疏下三法司議卒如公所擬朝議大禮上疏
爭論執政不能破其說丙戌陞山東布政司叅議分守遼東千
戶哈英羅不平辟罪公誠心體訪知其寃竟活之由此忤世謝
事百姓詣察院擊門保留不能及直道難容公又何愧焉時

公年正強脫然林泉且曰孝友于家是亦為政日與兄給舍孟齋弟僉憲南峯散官一閑色養大孺人楊氏逾十年楊氏卒公居喪自哀毀至襄事一思一語及太孺人輔涕泗潜然自是角中私第不入公門暇則著書立言摠發其平生識見著有潜夫一班集行于世

浙江圖



浙江圖書館

明故福建布政司左叅議東厓王公墓志銘

張時徹

余與鶴山王公同舉進士一見大奇之輒引以為雷陳之交
孜孜推轂如恐不及談者以為罕比公卒乃不得銘墓而表
其遺文沒齒有餘憾焉茲伯氏東厓公率其子進士君遠來
乞盟余蓋戚然興思曰公之兄即吾兄也銘其兄即所以銘
公矣按狀公名澈字子明號別東厓世居永嘉之英橋里王
之先五代唐晉時自閩來徙宋軋道間以海患蕩析莫遯其
宗今稱始祖萬十一府君諱惠者自其所知也惠生仕宜仕
宜生球生毓是為樵雲府君公高祖也大王氏者自樵雲府

君始曹祖諱珙祖諱封父諱鉦號溪橋溪橋翁有隱德鄉人
戴之祀於社以仲子祭酒公貴封通政司右通政母張氏封
太恭人少師張文忠公孚敬女兄也公蚤歲穎異向學不戒
而勤與舅氏少師公及仲氏祭酒公自相師友楊竒耀藻赫
々有聲每試輒褒然冠多士一時稱士望者必曰二王云正
德癸酉舉於鄉屢上春官不第謁選銓曹授禮部司務歷陞
兵部車駕員外武庫郎中舅甥昆弟並仕于朝而少師公受
上倚毗獨專鈞軸薰焰甚灼公退然自抑一以忠信周旋其
扶植善類不遺餘力卒未嘗宣諸口齒而縉紳先生至于今
稱之不衰徊翔郎署凡十年隨其所職而恪共焉已乃乞告

歸寧而福建參議之命且至竟不赴未幾連遭大艱服闋上
疏乞休時乃閉門却掃謝絕外事至鄉鄰有急難及地方利
弊所宜興革者則汲汲然以身肩之家有貲羨而黠靡戒奢
不遂時好自奉如在約頽以義用之如修譜牒建宗祠築沙
城以捍海捐廩庾以賑饑即厚捐弗靳也歲時享祀惟豐惟
恪每歲立春祭畢則大會族衆懽以酒食申以訓辭衣冠來
集者幾千人肅肅雍雍如也立約正司訟司糾察舉淑慝有
陵噬忿爭者則遵族約以聽之不使煩于有司若孤嫠老疾
及死喪無告者賑以餘帑丁田積顆役歛易渚則戶著之籍
使息耗有稽其樹德元宗垂利永久皆此類也公器宇凝重

平生無褻容慢語而性度坦夷望之知其為長者是非好醜
皦然於中顧多務含蓄而發於義者固侃侃也其於故舊情
誼尤篤即曠遠弗遺故歸田逾久而僚友之訊問往來者猶
數數焉其孝友刑于家溫恭豈弟字于族賢聲義聞洽于
遠邇卒之日莫不歔歔痛盡欲起公而不可得此豈有一毫
釣名徼惠之行哉公生成化癸巳九月三十日卒于嘉靖辛
亥九月十三日享年七十有九子男二長叔果嘉靖庚戌進
士次叔果癸卯舉人女一適國子生嚴孔昭孫男四光蘊光
薦光普光益卒之又明年正月八日果等卜塋于宋魯之原
族子僉憲君德狀公行實事甚核而文甚惟馴余因而為之

銘銘曰冒享其生總茲百祿冒薦其慶華茲似續皇國之
禎鄉邦是淑昭哉令德俾也戩穀膺膺佳城吉其得卜
有鬱者松有苞者竹碩人攸藏如金如石宋魯之原過
者必式

浙江圖書館



浙江圖書館

李參議墓志銘

寵

祔初喬世寧撰

嘉靖壬子李君為泝江督糧叅議行踪至黃巖會接
賊至黃巖人告急君乃分布布鄉兵據要害守備甚設
已又自將鄉兵千餘人多張旗幟鼓行而趣之賊謂大
兵至散去已乃知為鄉兵也乃益衆力攻巖君又力
督鄉兵戰顧鄉兵不習戰賊竟入大掠以去君以是
勞瘁至病病數月竟客死杭州寔癸丑三月二日也
是時君妻子莫隨病且死猶憤歎曰賊何時可滅黃
巖人聞之無不悲憐泣下者是年九月喪歸明年六

月其配蕭安人亦卒蕭安人无子側室蕭氏生子
薨亡母又先卒居先取安人之甥曰管者自子之而
名曰李管管自乙卯冬治葬請銘會地震不果居門
生鄭存仁者以御史出按河西遣使來奠居且問期
爲經紀其葬事于是管與薨以丁巳十二月舉葬而
管又復來促銘余與居同鄉同舉進士同又部僚時
與君可否詩文又數與論時事其識見益明敏不可
及性又簡重沉密遇事曲中肯綮即一言笑無苟者
乃今五十六歲而遽已也嗟天乎天乎君姓李名寵
字汝承涇陽夏鄉人高祖曰克安克安生瑞生端美

美生贈君禎禎四子居最少贈君見長子采學儒不
成乃令三子皆治農乃君不好農顧獨好讀書父聞
君讀書輒怒止之促住隴上乃君即又從隴上讀不
輟已又夜讀不釋卷無何即善屬文以儒士試先諸
生于是父始大喜令君益一意卒業嘉靖初督學唐
公大竒之遣其二子師事焉即今脩撰汝揖舉人汝
舟也辛卯君舉鄉試第一戊戌登進士第庚子授南
戶部貴州司主事壬寅以父憂歸起復禮部儀制司
丙午致績得封贈其父母與妻頃之遷主客司員外
郎戊申升僉事提學山東居三年乃陞浙江南二年

卒住君以主事推船揚州故事推稅貯江都吏多乾
沒以為常君置二籍一自留以一遺江都每轉輸輒
互記時日與稅數又旁注吏名氏月一覈實于是秋
毫無敢私者君歷官十五年卒時囊无餘百金之財
其墓也以御史賻金籍縣官力乃舉銘曰
人誰不學君不襲陋誰不檢身君无可詬崛起維君
忠寔天授黃巖之後誰其致寇國雖未滅獨君自疚
吾道東矣士乃多就御史懷賢葬其師厚管也可依
蔚昌厥後留有榮名是維公壽

明故陝西參議春谷潘君墓誌銘

高

徐階

嘉靖丁巳正月八日陝西參議春谷潘君卒年四十
有四君自幼以才顯名年十九登進士第授大理評
事當是時朝多賢士大夫文章政事各以所長相高
而其篤志好古者則又相聚以講良知之學視文與
政以為不屑為而彼亦詆此以為偽勢幾不相容君
盡遊其間論雄詞辯莫可窮詰諸前輩相視以得君
為重於始君名益聞然忌者亦益衆每諸司有所建
白其詞稍不襲故常輒諱曰春谷筆也出之陝西踰

年以前大理罷官其祿食瑾九年年二十八耳君既
罷論者咸謂處君太過君亦痛自懲思盡屏去華藻
以執精實士大夫乃更賢君凡持節蒞晉者交章以
薦竟格於例不果用嗚呼若君者其信可謂生之難
而毀之易矣昔歲己亥予與東郭鄒子荆川唐子念
菴羅子同被召為宮僚獲徧交一時之名士而君與
焉其冬君入關明年予以憂去三子亦相繼罷黜今
予幸登朝而三子者猶未召君又己作土中人予
安得無惻然於中也君諱高字柳春谷其號先世子
居廬之合肥國初有諱興者從

皇祖起淮泗拜山西寧化所副千戶遂為寧化人興
孫銘以功遷正千戶銘孫璟生五年而孤其母節婦
施鞠育之既長能其官數考軍政第一君考也君方
妊時母王孺人夢蛟入懷寤而生故君才與貌奇偉
豁達皆若蛟然措諸施為排難解紛濟難應猝人所
不足處之有餘乃其在陝西釋繫囚均賦役搏繫賦
吏禁戢豪宗特其可見之淺淺者而位與年皆止於
此命也配王氏太宰恭襄公之孫後府都事內泉君
之女恭襄擇而嫁焉生子二長雲祥群庠生次雲程
尚幼女二長適高憲副東庄子生員一麟次許嫁孫

光祿汲泉子訓雲祥卜以年 月 日葬居自為
狀奉東庄書而介汲泉請予銘墓予既雅知居又嘗
與東庄同官於浙與汲泉同朝且重雲祥能汲汲於
表揚其親也為之銘曰

書

蛟神物也或乘風雷變化騰凌或蟄于淵寂若無能
蛟有異耶視其所憑嗚呼士等才耳遠則泉淪遇乃
雲升雖賢哲其柰何吾是以三歎於君夢之無徵

浙

江西布政司叅議陽湖王先生墓志銘

予始讀易問所宗得陽湖先生學而未能及通仕籍見先生
官業竒偉學而未能至謝政歸則以先生居鄉節行為法而
先生已矣悲夫將葬其孤敬臣持張少叅益甫狀來請銘墓
泣曰孤不能力學以光先德又病不能備述先君懿行以傳
諸後所賴知先君者有公感敢以銘請予曰昔者予有弱息
君之子來問名予不卜以諾謂家法有自也匪知之深能若
何辭哉按狀先生姓王諱庭字直夫其先浙之金華人宋南
渡徙居長洲之陽城村故人稱之曰陽湖先生高祖俊卿

善生產作業田連數百頃 國初歲大侵嘗獻粟百石以備
賑 帝嘉之錄其子孫曾祖用行祖珉父頤世有明德頤處
州府學訓導以先生貴贈南京禮部祠祭司主事母俞氏封
太安人先生生不凡數歲如老成人年二十六舉於鄉又十
年舉進士授許州守許之郊有殺人者匿不獲又劇賊鞠未
服先生皆以一言折之得其情人以為神許人不知學生先
設規條親自訓迪今多舉進士者先生啟之也後改國子博
人猶思慕之教化入人譽命上逮戊子當大比 世宗命主
山西鄉試京官主試自茲始而先生獨稱得人陞南京禮部
祠祭司主事初先生拜許州為親故求改南官不得至是始

得就養蓋先生意也尋轉刑部郎陞福建僉事備兵建寧寧
有曠賊夏傑崇嘯聚千人殺及府佐都司官不能制先生密
捕其黨一人解縛叩之得其故約曰能執桀崇未當貸爾死
其人許諾不數日果詒桀崇出遊伏兵擒之掠死其人貸如
約名震一時尋乞終養數年復補汀漳兵備先穀所至盜賊
懾服有席帽山洞負險出劫先生頒正朔及布足以禮賜之
洞人皆北面叩首願斬不法者後數日果持二馘未獻諸
郡肅清陞江西布政司叅議所轄九江南康直大旱先生禱
於山川曝烈日中數日得疾疾藥弗效乃上疏乞歸上許
之勅曰王庭准致仕病痊之日有司具奏錄用外官致仕未

聞有得此者蓋特旨也歸時李蕭然所餘惟蘭數本而已
家居圖書四壁兀坐終日興至則為歌詩與二三知己商確
古今公門非鄉飲禮宴不輕入先生名重上司多信其言親
友有罪甚至持千金求援者先生皆峻拒之趙撫院厚善以
罪人田百畝遺先生亦不可及地方利病或人有大冤抑則
仗義言之不以小嫌自避吳令曹公清介絕俗偶觸大吏將
罷之先生力辨得解而不使曹知也先生初館于鄉時尚未
娶主人出獨留一女在家語先生曰先生守外吾女守內吾
無慮矣先生默念曰柳下惠可學乎問主人行即買舟歸
劉遺師事先生其祖尚書公見生先生贄居以千金別業延

之意即以遺先生也居無何公沒先生即歸其家先生之高
潔蓋自未第時已有定守矣初處州君致仕先生年甫十七
雖甚貧不夫甘旨雖假館在外不廢定省會試北上有懷二
人雖已過江復南渡而歸其孝如此處州君先娶薛氏生二
子其仲與先生共居居苦隘先生贖居于外以迎養父母舊
址悉以讓兄兄老養之死塋之撫其子女以至孫曾咸使得
所其弟又如此先生歲租不滿三百而周貧賙孤者半之寧
自空乏弗顧凡此皆人情所難先生苦志力學得古人讀書
大旨不特佔俾而已嘗與莊渠魏太常東郭鄒司成棟塘陳
參岳相善相與講明理學更相切磋先生之德之業蓋得之

學問中云國人共慕士者矜式若不可少年踰八十人猶以
為夭也先生生於弘治戊申閏正月二十一日卒于隆慶辛
未六月十有八日享年八十有四仕止江西叅議 穆宗即
位推恩進階中憲大夫娶陳氏五經博士繼之曾孫繼郁
氏 贈封皆安人子男一即敬臣陳出好古力學提學御史
以新例選貢娶盧氏 榮府典儀國用之女女三長適沈大雅
次適熊壽祝次適湯科沈湯皆庠生熊國子生孫男二長肇
府學生娶徐俱先卒次大亮娶陳即予仲女也女二長適府
學生查志正次幼曾孫男一女一墓在長洲縣二十四都諸
字圩新之阡以卒之明年壬申十一月廿二日塋先是陳安

人皆葬崑山敬臣以地不藏風心不自安至是乃遷合先生
兆銘曰

以孝自立以道為防時進時退時行時藏或謙以撝而動則剛
出門以同而行則方不富不矯惠也疑傷伊誰則然學易者
王凡易之道曰陰與陽先生得之知柔知剛得易之綱孔加有
年何不用臧



浙 江 圖 書 館

明故朝列大夫四川布政使司左叅議南苕常公墓

誌銘

商臣

人之生不幸有三而貧無祿不與為生而姦節不立一不幸仕而無功德於民二不幸身死而泯滅無聞三不幸若吾交南苕公其殆免於是乎公姓氏諱商臣字希尹南苕苕其別號也其先湖廣岳州人宋南渡時有諱高者仕武康尉因占籍長興是為長興常氏九傳至齋以子厚貴贈知縣厚舉成化丁未進士初令貴溪調麻城陞黃州郡丞以考績過家卒馬清脩豈弟有古脩吏風卒之日貧無以為歛郡守何顯高其節為營殯痊云公其仲子也生甫十

五年執喪哀毀動無踰禮時前母兄堯臣析公令自食值
歲大侵饗飧不繼而咀木茹草怡如也顧益奮勵以舉子
業乞乞不少休不數年學成遂以正德庚午舉于鄉嘉靖
癸未第進士時甘泉湛先生在書朝倡明斯道為學者所
宗公往侍教席毅然有希聖之志甲申授大理右評事會
言事諸臣多繫詔獄下大理讞奏公自念曰國是固非
小臣所敢知若評刑則吾職也默默苟祿其將謂何於是
上疏抗言剴切忤旨謫常州靖江丞時言官懼譴稍稍
屏息而公獨振奮不顧議者以為難北至靖江持廉秉公
察舉民瘼散白蓮之妖黨建久廢之學宮清理徭賦表揚

貞烈風蒸蒸動他邑丁亥春量移德安府推官應山有鉅
姓被誣大辟者憲使張鯤閱其枉也而寬之而撫臺與張
有夙憾駁公覆訊必欲及其書以中焉公直據法論報身
當其怒弗恤時又有龍興交昌者亦被誣久瘦公一訊得其
情竟從未減郡中稱為神明己丑冬陞河南按察僉事分
司汝上條章振飭風裁凜然永寧巨寇董世強嘯衆為亂
地方洶洶公即率兵討平之捷聞 璽書嘉勞焉 伊府
莊王無嗣 濟源王入繼以宿忿虐殺其妃及其戚屬四
人當事者右之傳從輕北寬久不得寗公廉得其狀悉論
如法奏上 報可其他搜剔吏弊屏斥貪污搏繫豪強平

又寬獄寬卹里甲據撫流民均撥京操興舉社學諸政皆
鑿鑿可紀撫按交章論薦胥以公輔期之蓋聲聞日奕奕
起矣先是大梁諸郡縣以虛稅文量冊籍已定而朝貴顧
以贈糧為已累奏議毀之部檄至公力持不可且請當遠
制之罪於是冊竟不毀又河南諸宦冢類數錢以質田土
及期不能償則遂占業恒收其入而貧民代輸租庸率多
逋播公下令嚴禁若子毋相當者輒勒還之臨穎有杜黃
門者與同邑趙僉事構怨仇殺三人公方署總憲杜趙皆
來謁乃令閹者却弗納而杜之兄時為通政叅議數致書
居解弗聽立捕治之復有首豪民潘教窟群盜驗實論死

詞連鄉宦黃彬彬見以危言相傾脅公怒即折辱之以故
諸權貴啣至骨騰蜚謗於朝乙未春竟以考察論罷時
公已轉四川左叅議矣余時聞之拊心詫曰隨夷而謂跖
僑龔魯而謂為宥邗有是哉會衆論譁不平科道兩會疏
論救而給事中薛宗鎧戚賢沈謐御史戴銑各上疏申救
之公一不為意歸而明農課子與郡中諸老結峴山之社
倡酬為樂居間聚群從子姓考德校文訓迪蓋甚嚴也時
節輒合燕以敦雍睦暇則高卧一小樓不下或泛扁舟之
別墅觴咏自適意泊如也公天性穎異力學不倦研精經
學汎覽子史百家言而砥節厲行夙夜不少懈樹勛澤物

尤其素所蓄積其在靖江德安俱祠名宦河南建生祠祀
之比足以觀德矣家素貧乏又居官不私一介既其襦籍
無可以為生者乃極力搏縮督率家人晝夜拮据僅以餬
其口而服食菲敝有窶士所弗堪者君子以是多之平生
孝友尤篤事母胡安人曲盡其歡常恨祿不逮養言及輒
嗚嗚流涕教育二弟唐臣蜀臣手其句讀朝夕督課之納
室營產恤其私迄於白首無間焉第剛毅狷介嫉惡太峻
多不理於口然終不為悔詘古所謂寧為玉碎毋為瓦全
非公其人哉公素善攝生己未孟春六日忽疽發背而卒
距生弘治庚戌九月十九日享年七十前母吳氏母胡氏

贈宜人配德清蔡氏封宜人子四天啓娶黃氏天寵娶臧
氏先公卒皆縣學生天申娶唐氏安吉州學生天守娶陸
氏亦縣學生女四一適杭州府學生江星一適德清鄉貢
士蔡詔文俱蔡出其二側出尚幼孫男五應巢天啓出應
桐天寵出縣學生應臬應樂天申出應臺天守出孫女五
天啓等卜以是年臘月廿有三日塋公塘山之原先期持
棟塘陳公狀走千里詣予稽顙泣曰惟公知先大夫非公
銘無以掩諸幽而棟塘公貽書亦云乃出涕而為之銘銘
曰砥礪之良不謂之璧也我樹之桂人以為棘也矯矯直
木下以為藪也廉如之人兮邦之司直嗟嗟鬼域如不我

克孰扣其端吁嗟乎倉天



浙江圖書館

陝西布政使司左叅議盧君墓表 文徵明

嘉靖十年辛卯閏 月八日陝西叅議盧君卒於家平五十
有一光是君為武選郎中有兵官驕楊喜許君以職分臨之
遂為所誣逮繫 詔獄有司畏其人莫敢申理賴 朝廷聖
明卒白而出之尋有陝藩之命時君已被疾抵陝聞其父御
史公之計疾遂加劇至家數日遂不起嗚呼哉傷君諱襄字
師陳 國初有為青州府通判者始徙居吳之橫山遂為吳
人高祖彥實曾祖立祖士誠父綱以長子貴封河南道監察
御史母孺人陳氏生君兄弟二人長雍仕終四川提學副使
次即君自幼賴異讀書不煩督率稍長受易於提學君既而卒

錄既仕益勤雖簿領雜襲而不廢佔俾為文專腴明暢能達
其志詩尤精詣不苟出出必求過人所著有五塢草堂集所
編集有石湖志石湖文畧盧氏世譜他所纂葺多未成書君
文章政業皆以古人自期視一時曹耦莫有當其意者使天
假之年稍及下壽其所見當不止是顧方精進有為而死遽
及之可哀也已君家自彥實以來世業農至御史公始讀書
教授鄉里而君兄弟相繼起進士皆至連率顯官又皆以文
學政事著稱可謂盛矣會未幾時皆以盛年即世吾不知造
物者果何如也余君兄弟僅二十年見其始出而仕仕而歸
以及於死始終盛衰如電露奄忽不能有槩於中乎因表其

墓以著其志亦用抒余之悲云爾嗚呼傷哉君娶陳氏封安人
子應坊娶馬氏側出子應該聘魏氏女適張師詠孫男一人
邦鉉葬以卒之後二年癸巳十月廿又六日乙未墓在西橫
山之陽



浙江圖書館

左山先生傳

徐獻忠


左山先生顧公名中立字伯從華亭顧氏出自梁黃門侍郎
野王郡中名家稱顧氏幾與陸伯言後世等國初居柘林以
詩著者名景暘生彥迪永樂間以儒士徵居英國幕府於
先生為高祖彥迪生仁仁生瑤任阜口尉瑤生斌中鄉舉任
興寧令以循稱娶康氏生三子先生其仲也垂髫時補邑弟
子頌正德丙子鄉薦與其弟中孚同丙戌舉進士授南刑部
主事後轉北部以望選居本科看詳諸司章奏者三年後以
便養太宜人復乞南改授禮部儀制司郎中逾年補山東按
察司僉事滿考陞廣西布政司左參議母老乞終養歸先生

自幼穎達書過目即通大義顧文僖公清聞其竒俊以心正則筆正題試之頃刻屬草云運於身者皆氣也而所以主則存乎心文僖大異之遂收置門下為高弟子其在刑部叅駁詳慎多所平反聲稱偉然在山東力持綱紀屬吏不法者徃徃解印綬去監司有疑議多取決焉有邑令犯贓先期取赴部請移文銓曹械歸罪之其志務在安養小民非立名也青徐間歲侵流離載道亟欲賑之有司以未得請為慮先生曰人死不能須更有咎當自承之以是全活者甚衆其設法捕蝗尤為省便以威望推督銀鑛奸宄帖息究其用世之才什未一二而政績已卓然矣任刑部員外郎時獲以恩例

贈封父母後得日侍太宜人雖仕路方違欣然棄官歸人咸
重之長兄中行早世撫視其孤竟有成立與弟少相敦愛至
老不替先生既乞歸弟亦棄官相從林壑間一景可適一味
可甘未嘗不共也其孝友之性出自天成如是宅之西偏有
地數畝闢為園池花竹蔚然可賞因以洪厓名其堂花辰雪
夕輿三四良朋舉酒賦詩不復料理人間事諸所酬應悉出
自內因得暢然適其情晚更杜門養靜獨處一室扁曰鐵漢
窩探討名籍雥校甚多聞一竒書必搆搆而得之必子其義
勸則偃息適則高唵其所自得已多矣有道人薛頭陀者聞
其風謂可與入道也造先生居終日少語長夜無寢寐欲授

以長生訣先生雖善待之謂人之正氣自可長留於天地間
何待解脫稱仙人薛笑而去先生賦性本自剛明直諒而靜
虛公家法復方嚴且里中先輩若夏正夫之敦素張莊簡之
清正顧文僖之真純日常誦法不置故其居身有尺度任官
無詆訾吾黨良士如先生更幾人哉所著詩文若干卷名洪
厓堂集四子務學向往咸有端緒雖未入仕固已有後矣予
與先生締交久一旦萎謝悵望靡及因斬其行略為傳云
徐子曰詩不云乎雖無老成尚有典刑顧子雖言往追思
其槩行歷歷可程法後生自砥以立名節將不有途轍耶
孔子思見君子曰斯可矣茲雖傷感衰周末俗要之上世

聖人固不多生而師資之道未嘗闕也嗟乎如先生不謂君子曰斯可者乎



浙江圖書館



浙江圖書館

明故朝列大夫廣東布政司左叅議益齋趙公

墓志詔

王錫爵撰

公諱承讓字德光號益齋姓趙氏裔出宋室宗仲談
以公開號於簡簡公子士鵬紹興中為朝請大夫守
江陰軍即其家官為士鵬十世孫為公之祖松雲先
生復自江陰徙常熟生三子其季玘最賢號永遠永
遠公母家錢氏故饒於財會罪徙遼左分其家半予
松雲先生已而松雲先生歿錢氏救歸永遠公竟籍
其故所受貲歸錢氏嘗徒田家游見饑民相聚採拾
道上為發粟數百石賑之其立義慷慨類如此然坐

是家日索而貧民德公者度無以報則晨夜稽顙祝
天曰願趙公有子已而趙公竟有子子四人公其一
也公幼有異質於書無所不窺嘉靖七年中應天鄉
試十七年舉進士拜江西贛州府推官二十一年遷
南京吏部文選司主事二十四年秩滿遷稽勲司郎
中二十八年出為廣東布政司叅議三十二年致仕
公長身玉立墻宇高凝自弱冠遊庠序二十年諸耆
儒老生竊識視其舉止不失尺寸人人自以為不及
而所親少年或憐其老困一經勸之仕公謝不可蓋
謁試應天者三上春官者四其卒用射策題名而公

年五十長矣已試吏則奮曰吾濡忍旦暮及此豈沾
沾望一飽哉顧見拆腰承睫走權利者則又奮曰得
夫不有命乎吾老且鈍終不望為大官且柰何令須
眉丈夫作兒女咕躡態故公所至輿官耆事卓有風
節在贛州持法嚴吏不得闌語閭里相告訐者公間
廉得其構會主名行法罰之訐黨蝟伏風俗大改贛
縣尉為龍南盜萊其所劫公單車部兩卒直抵賊巢
為陳說利害賊錯愕迎拜立出尉總督臺南李公竒
其材言於巡按御史御史故知公檄督視商稅洗手
奉職公私便之在吏部雅自顧籍不喜交俗人察友

中與澹泉鄭公椒山楊公語最懽兩公亦推轂公有
長孺子孟之風焉豕宰張文隱公之入相也每指數
廉吏必首公曰是故嘗攝太醫令斥俸金百餘為諸
曹郎置邸舍者在廣東時時行縣聞民所欲為輕俠
少年有縱為淫盜不法者公下令風曉不改則論殺
之和平賊李文彪之犯嶺南也潮惠兵備尤公問計
於公公以為五嶺襟夷民輕死習戰自其性然而江
閩山谷之間故為奸穴但其人往往饒樂偷安即有
剽殺皆出他省而未敢甘心于鄉土維當事者稍羈
縻之使彼此相擬各為一省之藩籬未必非利也今

直驅市卒與梟虜爭一旦之命即坐而益敵如近者
龍南崇義之事其效可睹已死公是其議使使馳檄
論賊賊為之歛兵公固長者貌若儻蕩不備至其當
官治辦臨大事密靜有思蓋皆自學問得之然竟以
齟齬梧利仕不大顯始自推官召入會太常卿董某
以他事不悅公趣陞南吏部為南吏部三年考滿嚴
世蕃聞其名使索數百金為質曰趙君良苦不當為
南官吾能為地公笑應曰犬馮齒長懼不任公之事
且安所得金竟謝去居廣東三年與御史某某數爭
事不協坐論免歸卒於家公天性孝友既貴累贈父

求遠公為奉政大夫南京吏部稽勲司郎中毋顧氏
為直人然每歲時祭嚮咨咨感咽以祿不逮養為恨
撫仲兄諸孤一如己出與人交欵欵誠直不喜逆詐
亦不解作軟媚好語意所可不輒掀髯奮辭必信已
直雖權貴人視之亡如也守官守身終始依於廉儉
一布衣或十澆不易歸之日杖屨倚然足跡不濡政
府至邑有大役如築城量田之類公出錢佐費常在
人先鄉黨貧無貲者病不能具醫藥者死不收者遇
有求則應之即傾囊不靳也疾且革呼子用賢戒曰
吾以長算屈於短命夫學不能抗志而道古仕不能

展蘊而立名此吾所甚耻兒其勉之以維吾志遂卒
公生於成化丁未五月五日卒隆慶戊辰九月九日
得壽八十有二娶蕭氏封宜人子男四長即用賢戊
午舉人娶張氏贛州守立齋公孫女繼娶湯氏太學
生帆涇公女又繼娶陳氏廣東提舉觀如公女次用
賓娶沈氏蘭谷女側室張氏出次用貴次用貞聘庠
生章如春女側室徐氏出女三人長適瞿恕次適孫
尚德又次適憲副顧一江子台光孫男六人體常聘
甘肅行太僕主簿徐婁泉女體中聘憲副陳魯山曾
孫女體玄聘太和令繆東洲孫女體亨聘吳仰春女

體文聘光祿錄事徐虹江女體立幼未聘孫女二人
一適儀制司主事王笠洲子庠生維城一諾舉人錢
秀峯子時俊公卒之明年子用賢卜以某月日葬公
於桃源澗祖塋之次先期屬同年王錫爵銘公銘曰
維趙之先蘊隆崇崇迺施迺流其流至公賢良
發聞中外踐更濯濯其操斤斤其明窵以養交人馳
我後維弗大亨優游上壽里則有社墓則有原公神
不亡視其子孫

浙





浙江圖書館



浙江圖書館



浙江圖書館

浙江圖書館善本


甲登記號：006676

一九 年 月 日



浙江圖書館


colorchecker CLASSIC



xrite



colorchecker CLASSIC



浙江圖書館